

Var. b. ♀: hemielytris totis nigris.

In territorio montoso ad oppidum Krasnojarsk a STREBLOV captus. — Europa orientalis. — *Mus. Holm.*

124. **Pachytoma sibirica** JAKOVL. in litt.

Oblonga, nigra, opaca, dense argenteo-squamosa, subtiliter punctata, parce nigro-pilosa, tibiis albidoflavis, intus plus minusve late nigro-vittatis, spinulis nigris e punctis ejusdem coloris nascentibus; orbita oculorum maculisque obsoletis pectoris ad coxas albidis; hemielytris totis nigris; species dimorpha.

Mas: minor, angustior, segmentis genitalibus utrinque dense albidopubescentibus, apertura apicali latitudine altiore, subovato, forcipe dextra apice inflexo rotundato-dilatato, intus excavato. *Forma brachyptera* hemielytris brevissimis, abbreviatis, prothorace circiter duplo longioribus, apice intus subobliquato-truncatis, basin segmenti ultimi abdominis attingentibus. Long. $2\frac{1}{2}$ m.m.

Forma macroptera mihi ignota.

Femina: major, latior, terebra medium abdominis attingente, segmento ultimo ventrali apice profunde sinuato, margine postico medio a segmento penultimo occulto; squama majuscula triangulari-rotundata, latitudine basali fere brevior; segmento secundo genitali margine postico utrinque prope latera distincte sinuato, medio quam lateribus fere triplo longiore.

Forma macroptera: hemielytris abdomine distincte longioribus, membrana completa, tota nigra venis obsoletis. Long. $4-4\frac{1}{2}$ m.m.

Forma brachyptera: hemielytris valde abbreviatis apicem segmenti quarti dorsalis attingentibus, conjunctim emarginato-truncatis, angulo exteriore rotundato. Long. $3\frac{1}{2}$ m.m.

Var. b.: tibiis totis nigris.

P. (Anapo) Kirschbaumi STÅL simillima sed genis concoloribus, femoribus totis nigris membranaque hemielytris concolore distincta.

Nympha: pallide flava et obsolete rufotincta, fusco-variegata, antennis pedibusque nigricantibus, capite thoraceque longe nigro-setosis.

In territorio montoso prope oppidum Krasnojarsk in *Urtica cannabina* $10/6$ et $13/6$ specimina plura legimus TRYBOM et auctor; *forma macroptera* rarissime occurrit. — *Mus. Holm., Coll. Hagl., Coll. Reut., Coll. Sahlb.*

125. **Labops Burmeisteri** STÅL. *Stett. Ent. Zeit. 1858.*

Mas: Oblongus, alatus, hemielytris abdomine $1/3$ longioribus, membrana magna completa, nigra, venis crassis concoloribus, alis his parum brevioribus, hyalinis, venis flavescens; segmentis genitalibus lateribus utrinque dense et longe flavo-pubescentibus, secundo ad insertionem forcipis sinistrae leviter emarginato, forcipe dextra depressa basi angusta, curvata, apice oblique dilatata inflexa, margine postico obtuse rotundato.

Femina: segmento secundo genitali lateribus utrinque levissime sinuato, segmento ultimo ventrali medio utrinque acute exciso, lobo medio (seu squama) subtriangulari, apice rotundato-attenuato; dimorpha.

Forma macroptera: hemielytris alisque ut in mare.

Forma brachyptera: hemielytris segmentum ultimum dorsale attingentibus, clavo discreto, membrana angustissima et obsoleta, margini interiori cunei opposita.

Species pubescentia longiore et densiore suberecta flava praeter structuram antennarum oculisque minus pedunculatis a *L. Sahlbergii* facillime distingvenda.

Nympha: pallide flava, fusco-variegata, satis dense flavo-nigroque pilosa; capite fere ut in imagine constructo sed oculis minus pedunculatis, pallide flavo, macula magna irregulari in fronte lineolam obsoletam pallidam includente punctoque utrinque ad basin rostri nigris, rostro abdominis basin attingente, basi flavo, apicem versus fusco; antennis fuscis, parce nigro-setosis, structura ut in imagine; pronoto pallide flavo, plaga magna irregulari utrinque obsolete pallide-variegata fusca; mesonoto pronoto paullo brevior, apice obtuse rotundato; rudimentis hemielytrorum abdomineque flavis; pedibus fuscis, geniculis tibiisque medio pallidioribus, coxis albidis, fusco-variegatis.

In gramine loco arido ad vicum Chantaika in territorio arctico d. 15—20 Julii plura specimina legi; feminae *forma macroptera* rarissime occurrit. — Kantschatka. — *Mus. Holm.*

126. **Euryopicoris nitidus** MEYER. — REUT. *Rev. Caps. 99, 1.* — CAPSUS MEYER *Caps. 113, 107.* — FLOR *Rhynch. Livl. I, 561, 54.* — *Orthocephalus FIEB. Eur. Hem. 293, 7.*

Habitat in graminosis per totam vallem Jenisensem ab oppido Krasnojarsk usque ad vicum Dudinka frequenter; sed specimina macroptera semper frustra quaesivi. — Fennia, Rossia, Austria, Helvetia, Gallia, Sibiria orientalis. — *Mus. Holm.*

127. **Diplacus albo-ornatus** STÅL, *Stett. ent. Zeit. 1858, 183, 40 (forma macroptera).* — J. SAHLB. *Not. Skpts. Pro. Faun. et Fl. Fenn. Förh. 1870, 289, 69. Tab. I, fig. 2 (forma brach.)* — REUT. *Rev. Caps. 100, 1.* — *Myrmecophyes Oschannini FIEB. Verh. Zool. Bot. Gesch. in Wien 1870, 11. (f. br.)* — *Myrmecophyes tricondyloides OSCH. Bull. de Moskva 1870, 4 (f. br.)*.

Nympha: sordide albida medio late et distincte nigro- et fuscovariegata, antennis pedibusque ferrugineis, femoribus posticis infuscatis, tarsis nigricantibus.